

sunt Personale, & Impersonale; illud plures una personas habet: Hoc uerò duntaxat unam.

2 Personale autem apud latinos subdiuitur in Actiuum, Passiuum, Neutrum, Commune, & Deponēs. Impersonale uerò in uerba Actiua & Passiua uocis.

3 Apud nos uerò, ut mihi quidem uidetur diuidi potest Personale, & Impersonale in uerbum Transitiuum, quod ui sua transit in aliud, & in uerbum Intransitiuum, quod sua significatione non transit in aliud. Diuidi enim aliter uix potest, cum neque forma habeatur, neque sonus, ex quibus uerborum inter se se diuersitas intelligatur, si ea sine ulla alia particula sumantur.

4 Transitiua sunt uaria. Quaedam enim trāseunt in personam patientem rationis participem, ut, mollim tebbé, rogo te. Scāuye méné, honorat me. Yá násliduyem preblaxen-nógo Isúsfa Ego sequor beatissimū Iesum.

Quaedam transeunt in rē patientē, quae est rationis expers, ut, mij òremo zēmglíu, nos aramus terram. vj bodetè kognà, nos pungitis equum. Quaedam denique habent nomina, quae idem, quod ipsa uerba significant, ut, oní xivú xivòt vesfiel, illi uiuunt uitā lætam. Oví, prilípu poyku poyú, hi pulcherri-
mam cantilenam canunt.